

সিডনীর আকাশে বাতাসে এখন বিরতিহীন বাংলা গান শোনা যায়। কি চমকে গেলেন? প্রশান্ত পাড়ের এই দূর পরাভূমে বাংলা গান, তাও আবার বিরতিহীন!!! প্রবাসী বাঙালীদের সারাবেলা বাংলা গান শোনাতে পরীক্ষামূলকভাবে যাত্রা শুরু করলো, অনলাইন রেডিও “গান বাকসো”। সিডনী থেকে প্রচারিত প্রথম এই বাংলা সুরের ইথার যদিও পৃথিবীর যে কোন প্রান্ত থেকেই সারাদিন শোনা যাবে। শুনতে পারেন ডেস্কটপ, ল্যাপটপ, ট্যাবলেট অথবা মুঠোফোনে। গান বাছাইয়ের ক্ষেত্রে “গান বাকসো” মূলত শ্রোতাদের পছন্দের উপর নির্ভর করছে। লালন, রবি, নজরুলসহ পঞ্চকবির গান থেকে শুরু করে লোকগীতি, ভাটিয়ালী, ভাওয়াইয়া, আধুনিক, পপ, রক, থাকছে সবধরনের গানের সমাহার, এমনকি কবিতাপ্রেমীদের জন্যও থাকছে আলাদা অনুষ্ঠান।



শ্রোতাদের চাহিদার উপর ভিত্তি করে একের পর এক ভিন্ন ভিন্ন অনুষ্ঠানে গানগুলো সাজানো হয়েছে। শুনতে পারেন বাংলাদেশি ব্যান্ড গানের পাশাপাশি সিডনীর স্থানীয় বাংলা ব্যান্ডগুলোর পরিবেশনা। সাথে থাকছে সিডনী অথবা বাংলাদেশের প্রিয় শিল্পীদের সাথে লাইভ আড্ডা। চাইলেও আপনিও অংশ নিতে পারেন লাইভ আড্ডায় অথবা হঠাৎ ইচ্ছে হলে শুনতে বা কাউকে শোনাতে পারেন খুব প্রিয় কোন গান। আপনার অনুরোধ বা পছন্দের কথা জানিয়ে দিন “গান বাকসো” www.gaanbaksho.caster.fm ওয়েবসাইটে।

অনুরোধ, আলোচনা বা নিষ্ক পরামর্শ দেবার জন্য ঘুরে আসতে পারেন তাদের ফেসবুক পেইজ www.facebook.com/gaanbaksho । মূলত গানপাগল বাঙালীদের কথা চিন্তা করেই “গান বাকসো”র জন্ম। এই দূর পরবাসে হঠাৎ করে কিছু গান মনে পড়ে যেতে পারে, অথবা ছায়া ছায়া স্মৃতির পাতা থেকে উঁকি দিতে পারে ভুলে যাওয়া প্রিয় কোন সুর। হয়তো অনেক খুঁজেও অনলাইন বা ইউটিউবে পাওয়া যাচ্ছেনা। তখন প্রিয় সেই গানের ডালি সাজিয়ে আপনার হাতের মুঠোয় থাকছে “গান বাকসো”। ইন্টারনেটে সব ধরনের বাংলা গানের অপ্রতুলতাই এই ধরনের একটি কমিউনিটি রেডিওর আত্মপ্রকাশে সবচেয়ে বড় ভূমিকা রেখেছে।

পরীক্ষামূলক সম্প্রচার থেকে খুব শীঘ্রই “গান বাকসো” পূর্ণরূপে আত্মপ্রকাশ করতে যাচ্ছে। আর তার জন্য প্রয়োজন আপনাদের আন্তরিক উপদেশ, পরামর্শ এবং সহযোগিতা। এখনি গান শুনতে ক্লিক করুন www.gaanbaksho.caster.fm এ। সেইসাথে জানিয়ে দিন আপনাদের ভালোলাগা, মন্দলাগা, অনুরোধ, পরামর্শ। অথবা, ঘুরে আসুন “গান বাকসো” অফিসিয়াল ফেসবুক পেইজ, www.facebook.com/gaanbaksho। “গান বাকসো” শ্রোতাদের সুবিধার কথা চিন্তা করে শীঘ্রই মোবাইল অ্যাপ নিয়ে হাজির হচ্ছে। আপাতত, গান সোনার সুবিধার্থে “গান বাকসো” ওয়েবসাইট থেকে ডেস্কটপ ট্যাব ডাউনলোড করে নিতে পারেন। গান বাকসো ওয়েবসাইট: www.gaanbaksho.caster.fm